

妙法蓮華經玄贊

卷三

二



妙法蓮華經玄贊卷第三 大慈恩寺沙門基撰

方便品略開三門一來意二釋名三出體來意有三者依
八品為正宗中蓮花有出水開敷之二德妙法具果秀行疎
之兩能又經下言今此經中唯說一乘故以破三會二歸於
一乘為法花之正主故三周說追彼三根此品初說乘為利
驚之子之上根家初於譬喻品中領解佛為述成授記
乃至天子說偈竟是第一周譬喻品中舍利弗請我今
无復疑悔下佛說譬喻利彼中之根四人信解佛說藥
草喻品為重述成便為授記是第二周化城喻品說往結
緣化城不寶利彼下根滿慈等領佛印述說便授五百
及學无學記是第三周自下更无說一乘處故但一乘是法花

體今既來集緣和誓之已畢機器符會正可陳宗且法說
一乘利上根性故序品後方便品來二者依于九品為正宗中
方便品下初二品明一乘境安樂踊出明一乘行如來壽量
至常下輕合此五品明一乘果說境令知乘之推實勸應捨
權而取實聲聞悟此遂便得記於中分三初之八品正
明推實三根得記次之三品歎人美法勸募持行後持一
品稟命捨權持行實法科初八品与前无別故序品後方
便品來三者論云自此已下示現所說因果相此意徒前
序品之後明經宗旨所說因果體相之狀此有三釋一云所
說諸佛智惠為果能詮智惠教門名因如門為入室之所
由故教為顯理之緣蓮花但說二義因果故即智詮二云

三請已後明一大事開示悟入前三為果後一為因正是三垂之宗旨初揚智門之意欲發鷲子等疑令其因請說一乘故蓮花二義雖解无量義經果秀因開此亦未爽通理由此即以開示悟入為果及因三云初智及門二因智果開示悟入三果入因教理行果俱法花故今識昔者教行方便說三今談乘體理果唯有一聽三乘之教解一乘之理行三乘之因證一乘之法花意也如前已釋此品具明此經所說一乘因之与果故序品後方便品末釋名者方便房連及今為去音佛智有二真實智二方便智真實智有二者實法二者實智實法亦有二體實謂有為无為二真實謂真如妙理實智亦尔一如體實智即觀體實无漏真智

對凡妄智不知名實智根本後得二智俱是二證真實智
唯正體智此有五對一對知妄名實智二對知事名實智
三對知相名實智四對知詮名實智此之四種實智皆是
唯觀第四真智餘四所對如次皆是四世俗智五對知推
智名實智謂一乘理智對知二推智此依證智以第四真
智對後三俗智若依趣入智以第三真智對第三俗智方
便智有三或四進趣方便謂見道前七方便智進趣向
果名為方便所學有則曰方隨位順宜曰便二施為方便
善巧波羅蜜多後智妙用能行二利故名方便此曲有三
一教行方便言音可則曰方稟教獲安曰便二證行方便空
理正直曰方智順正理名便三不住方便在真入俗曰方自

他俱利名便三集成方便諸法同體巧相集成故名方便且真如中具恒沙佛法以智為門以識為門皆攝一切故菩薩地云此法善巧成是故名方便十地論云總同成別異壞以惣對別之方便也若惣有則曰方以少含多名便四摧巧方便實无此事應物摧現故言方便謂以三業方便化也此對實智名為方便利物有則曰方隨時而濟名便此體即於施為中出更无別義故體唯三今此有三接下方便唯初於下二顯上方便唯顯深妙三通彰方便遍於上下二接下方便者此經下云十方佛土中唯有一乘法无二亦无三除佛方便說又云正直捨方便以求无上道於前四中摧巧方便也此乃有三身方便執持糞

器而著垢衣伽耶成道等是三語方便下云我興九部法
入大乘為本又趣波羅奈轉四諦法輪等是三意方便
下云尋念過去佛所行方便力我今所得道亦應說三
乘等是上同古佛下順有情佛地經云成所作智起三業
化正与此同依此解云施為可則曰方善追據宜曰便往
生論云正直曰方外已為便方是方術便謂穩便之方名
方便二顯上名方便者无垢稱云有方便故解无方便故
縛此經下云我說是方便今得入佛惠一切諸如來以无量
方更度脫諸眾生入佛无漏智初設方便顯後佛智故理妙
可則曰方巧用能顯曰便其義深遠其語巧妙便通教理方
之便名方便三玄奘三通彰方便下經大衆疑云何故世尊殷勤稱

歎方便而作是言佛所得法甚深難解有所言說意趣
難知方便是惣下二句別佛所得法是顯上明今實有所
言說是接下彰昔三權又云佛悉知是已以諸緣譬喻言
辭方便力令一切歡喜接下顯上皆通故即十二種方便善
巧波羅蜜多隨應配攝方者統情機之法軌便者濟物
理之要宜方謂方軌方法便謂要便宜便情謂有情機謂
機要統攝機情機要之軌法名方貴人貴法故物謂人物
理謂道理濟益人物道理之要宜名便濟人益法故此言意
顯濟人益法之軌則故言方便亦方亦便故名方便由此
義推乃通三擇即前三種合是十二種方便善巧波羅蜜多
瑜伽卅五說十二種中初六依內修證後六依外成熟內

六種者悲心願慈了知諸行欣仏妙智不捨生死輪迴不
深熾然精進外六種者令以少施等善感无量果令以
少戒等力引大善根憎聖教者除其悲惱虜中住者
令其趣入已趣入者令其成熟已成熟者令得解脫此中
接下即外成熟此中顯上即內成熟此中通彰合是內
外十二種十二種中為成後四復修六種方便善巧一隨
順會通將為說法先現更美可樂身語令生愛敬於法
起樂漸次為說彼不解空密意言教一切諸法无性无事
无生无滅如幻夢等如理和會彼經不說一切法體都无
所有但无所執可說自性據第一義无其自性既彼性事
都无所有一何生滅又如幻夢非如顯現亦非彼事都无

所有故說如幻令彼了知二共立要契見有來求先共立契
令知恩德供養恭敬持淨戒等然復与之三異分意樂
共立契已彼不速行以利益意先許不与先為親友隨順
化導彼不依學現憤恚相所作乖違詐不隨益此等摧
時外現棄捨非內意樂不為救拔四逼迫所作有自在力
於親屬等能正教戒不知恩德毀戒等者或斷所求駘
擯訶撫令正修習五施恩報恩曾於彼所有大恩德彼期
酬報勸令修善名大報恩六究竟清淨道果滿已往知
受天乃至下生成等正覺今生欣樂往生隨下請轉法
輪廣為饒益此中方便即是六中隨順會通會普三種
通今一實法擇唯識又說有二我濟方便善巧即外六種

二迴向方便善巧即內六種如其所應皆此所攝出辨性
者方便乃以惠為性无分別智內冥真境後得智中利他
說法能起方便之妙用故以後得智為性唯識等說後四派
羅家多皆後得智故其能所詮性又各別因智而顯今
從根本故智為性下釋本文第二周中有四初世尊曉喻
次鶻子領解次如來述成後佛為記別同中下根文各
四故此四之中初一即方便品後三皆在譬喻品中佛曉
喻中論判為五初歎法勝歎分吾成佛下第二歎法師
功德分尔時聚中漏盡阿羅漢下第三大眾定疑分佛告
舍利弗止之不須復說若說是事一切世間皆當驚疑下
第四定記分舍利弗諸佛出於五濁惡世下第五斷疑分

妙法蓮華經玄贊卷第三

法為佛師人由法以成德人為能顯法假人以弘宣故初歎
法妙後歎人勝諸聲聞等於自所證已為定之聞歎所說
遂有疑生豈有之疑分佛心所為先已定說唱止邀令固
請亦令惡人退席既尔分明解釋其義故有定記令眾
人之內聞前所說又有疑者佛為重解故有斷疑分遂成
五分或分為二初歎法及法師眾遂疑生後佛更為定記解
釋眾後疑生重釋此疑故分二也一品之中今科為四初二添
先唱警眾羣座之心次四眾驚疑發揚驚子之請三開請
實相契彼推門四勘發喜心令欣作佛品末三行頌是
經今時世尊至不能知養旦二淨光唱警眾羣座之心立
中有二初長行後偈頌長行有二初歎所證所說法妙後

吾從成佛下歎如來身能證能說法師勝妙初中有二
初初標勝妙後所以者何下釋斯勝妙初中復二初顯
自在從定而起後告鴛子正陳所說安者徐也許者審也
論云以如實智觀從三昧安詳而起已告舍利弗者示
現如來得自在力故如來入定无能警寤故觀无量壽
處安名如實智觀佛定殊勝入已餘人不能驚佛今從
定契非佛自出餘不能令出故自從定起又顯於定中入
出縱任得自在故即由二義故從定起雖是无量壽三昧
多是第四禪功德勝故不告餘人獨告舍利弗者隨深智
惠与如來相應故謂舍利弗聲聞之中最為上品智慧利
根一聞即解最先悟入佛凡說法必應機根由彼智慧最為

第二根法相符故名相相應者相隨順義非是智思相
似名為相應根合佛法名相應故不告菩薩論有五義
一為諸聲聞所作事故妙法蓮花為聲聞說聲聞所作
捨於推乘非菩薩故二為諸聲聞迴向大菩提故令其發
心趣大果故三諸諸聲聞惡快弱故若告菩薩即諸聲聞
謂此二乘非為已分心生怯弱不能進修今告聲聞令除此
意是汝等分除怯弱心四為餘人善思念故令餘聲聞善
思念之其舍利非已蒙佛告我是彼流亦應被告深生
信仰起修學心五為諸聲聞不起所作已辦心故普諸聲
聞謂所得擇滅果滿證圓所作已辦今教法欲告彼不知
今捨小心菩薩於五事全不相應故雖利根佛不正告傍

告元奘告三乘人有疑悔者今皆斷故正告不空性惠任
持所餘故所歎之法略有二種一者智惠二智惠門故證云
有二甚深一證甚深謂智惠二門含甚深謂智一惠二門
之者即能證教智惠甚深即所證理梵云阿笈摩此名為
教或闡為傳上古諸佛傳至今故此甚深義通教及理
然理正得其深之名門深乃難見覺等二乘不知亦通
此三自餘別屬理教二法論意如此論說智惠者謂切
種一切智之義故一切智人之智名一切智之體通性相名一
切種即佛果位沮捺菩提或一切智者无分別智重言智
者是後得智義者境也即一切智人之智境故名一切智
之義何謂彼境謂一切種之者謂若空若有之為无為

有漏无漏若教若理名一切種、謂種類法體種類衆多
非二攝一切盡名一切種謂此一切種是一切智之之境即此
一切種境名所詮之智惠也今以理窮智惠有五攝一切法
盡方名一切種一智惠性謂真如故下經云唯佛究竟盡諸
法實相論自釋云如來藏性為體攬法成人之所成
即是智惠故引下為證二智惠相即无漏能觀正體後
得二智為體下云方便知見皆已具足盡思共度量不能測
佛智等是三智惠文三伴塵沙万德有為功德是下云如來知
見廣大深遠无量无礙力无所畏皆足等是四智惠因
謂能詮教及万行是下云其智惠門難解難入論云阿
含甚深又論引經云如來能說一切種之言詞又云盡行

諸佛无量道法等是五智惠境謂若空若_レ有_レ為无為
真俗諦境下_レ去如是相如是性等是今智惠門既是方便
能詮教深故所詮理深即餘四惠義雖可不然依諸教五
甚深中多唯惠性真如為體以向含甚深即昔三教
故證甚深即一乘體无上甚深是大菩提故勝鬘經中
說一乘體唯真如故即化城品之寶所也今此經中依
寶勝惠唯取智性智相為體菩_レ提_レ斷皆名為菩
提說智及智處皆名為般若攝一切故火宅牛車即智
相故牛車去作各与二故寶所舊有即智性故眾共取
故示悟知見即是二故由此有故餘三自成下_レ去大事因緣
即唯此二若因若果謂此智惠是一乘真理其智惠門